

## ՄԱՅՐ ԱԹՈՌ

~~Մ~~ Անցեալ օգոստոս ամսի 10 ին, Շուշեցի Հայկ Թէո-  
դորոսեան Նարամիշեանը, դիմելով Ն. Սրբութեան խնդրել  
էր հաճել ընդունել իրեն Մ. Աթոռի միաբանների շարքը:  
← Ն. Վեհափառութիւնն ի նկատի ունելով նորա պատ-  
րաստակամութիւնը, ինչպէս և նորա պատրաստութիւնը,  
իբրև Խարկովի համալսարանի պատմա-լեզուաբանական  
մասնաճիւղի շրջանաւարտ, բարեհաճեց ընդունել նորան  
ի շարս միաբանների Մ. Աթոռիս, և պատուիրեց կուսակրօն  
սարկաւաղութեան աստիճան տալ նորան, Տ. Մատթէոս  
Եպիսկոպոսի ձեռքով, օգոստոս 29-ին:

\* \*  
\*

Ճեմարանի մի տարով, ծանր պարագաների բերմամբ,  
ընդհատուած կեանքը վերսկսուեցաւ օգոստոսի 21-ից:

Նորեկների ընդունելութիւնը, ըստ կանխագոյն յայ-  
տարարութեան Ճեմարանի Վարչութեան պէտք է լինէր  
շատ սահմանափակ և որոշ դասարանների համար. սա-  
կայն և այնպէս մեծ քանակութեամբ նոր ընդունուելու  
ցանկութիւն ունեցողներ էին ներկայացել քննութեան,  
որոնցից լաւագոյնները քննութեան արդիւնքով ընդունուե-  
ցան Ճեմարան:

Չնայելով Ճեմարանի տարեկան ել և մուտքի չափա-  
զանց բարդուելուն, (այս տարի ըստ նախնական հաշուի  
հասնում է 98,420 ո.), այնուամենայնիւ որոշուած  
քանակից աւելի ընդունուեցան Ճեմարանում, որովհետև  
գծուար էր փակել ուսումնաւարաւ մանուկների առաջ  
կրթական մեծ հաստատութեան դռները: Եւ թէ Ճեմա-  
րանի Վարչութեան և թէ Մայր Աթոռի Ղեկավարողը սիրով  
ընդ առաջ գնացին այդ պահանջին, յուսալով հասարա-  
կական լայն օժանդակութեան վրայ:

Այս տարի ընդունուել ցանկացողների մէջ ճշող մեծամասնութիւնը պատկանում էր գաղթականներին, որոնցից շատ-շատերը հասակի մեծութեան, առողջական վիճակի անհամապատասխան լինելու, անպատրաստութեան համար մերժուեցան, սակայն և այնպէս նոյն իսկ նոր ընդունուողների մէջ մեծամասնութիւնը, ըստ տոկոսի, կազմում են Տաճկական Հայաստանից գաղթած փոքրները:

Այս տարի ծեմարանի մէջ ընդունուած է ընդամենը 84 հոգի, որոնցից

|                 |   |    |      |
|-----------------|---|----|------|
| Ա. դասարան      | — | 41 | հոգի |
| Բ.            » | — | 10 | »    |
| Գ.            » | — | 2  | »    |
| Դ.            » | — | 2  | »    |
| Զ.            » | — | 9  | »    |
| Ա. լսարան       | — | 20 | »    |

Սոցանից 23 հոգի Տաճկաստանի զանազան վայրերից, այն է 29<sup>0</sup>/<sub>10</sub> բոլոր ընդունուողներից, որոնցից Վանեցիներ 12 հոգի և մնացածները Տաճկաստանի զանազան վայրերից:

Նոր ընդունուածներից գիշերօթիկ են 80 հոգի և երթևեկ 4 հոգի, թոշակաւորներ 42 և ձրիավարժ, ի հաշիւ Մ. Աթոռի, 42 հոգի:

\* \* \*

Մ. Աթոռի ծեմարանի Վարչութիւնն ի նկատի ունենալով կեանքի այժմեան պայմանների անհանդուրժելի սղութիւնը, որոշել էր նախկին տարիների թոշակի քանակը, 200 ո. դարձնել 250 ոուբլի: Թէև այժմեան պայմաններում նոյն իսկ այդ թոշակով ոչ մի դպրոց չէր կարող պահպանել աշակերտ իւր բոլոր դպրոցական հոգացողութիւններով, սակայն Վարչութիւնը կամեցել էր ընդ առաջ գնալ հայութեան ոչ-հարուստ դասակարգին և զիւրութիւն տալ նոցա, որսնք կարող են փոքր թոշակով իրենց զաւակների կրթութիւնը հոգալ՝ ուղարկելով նոցա ծեմարան և Վարչութեան այս հոգատար ընդառաջումը

ունեցաւ իւր բարի հետեանքները և այս տարի նոր ընդունողների մէջ Թոշակաւորների տօկոսը հասաւ 50-ի:—  
 Նոր ընդունողների ծնողներից ոմանք ընդ առաջ գնալով  
 Ճեմարանի վարչութեան, ինքնաբերաբար առաջարկեցին  
 300 ռ. Թոշակ, փոխանակ վարչութեան որոշած 250  
 ռուբլու, կեանքի այժմեան պայմաններն ի նկատի առնելով:

Ս. Էջմիածնի Եղբ. Օգն. Գլխ. Կարգադիր Յանձնաժողովը, որ ի մօտոյ տեսնում է Տաճկահայ ուսումնաժարաւ փոքրերի տենչը, ինչ գնով և լինի, հասնել կրթութեան, ընդ առաջ գնաց այդ պահանջին և իւր սեպտ. 21-ի նիստի մէջ որոշեց պահպանել Ճեմարանի մէջ նոր ընդունուած Տաճկահայ սաներից 20 հոգի, իւր հաշուով, վճարելով իւրաքանչիւրի համար տարեկան 300 ռուբլի և այժմեանից մտցնելով Ճեմարանի գանձարկղը 6000 ռուբլի:

Եղբ. Օգնութեան այս բարի ձեռնարկը մի գեղեցիկ օրինակ պիտի լինի մեր միւս բոլոր հաստատութիւնների, ընկերութիւնների և անհատների համար, որոնց սրտին մօտ է Ճեմարանի բարգաւաճման խնդիրը, որտեղ այս րոպէիս ուսանում են նախորդ տարիներից բազմաթիւ Տաճկահայ խեղճ տղաներ, որոնց ուսման և ապրուստի բոլոր հոգքը ծանրացած է Մ. Աթոռի վերայ,—իրենք ևս, ինքնաբերաբար, ընդ առաջ գնան Ճեմարանի վարչութեան և հատուցանեն որոշ քանակի Թոշակ, իրենց հաշուով պահպանելու մի քանի աշակերտ, լինի դա Տաճկահայ պատանիներից, թէ Ռուսահայ փոքրներից:

Այսպիսի ծանր տարիների մէջ Հայ ամբողջ հասարակութեան վերայ բարոյական մեծ պարտիք կայ ըստ ամենայնի թեթեւացնելու Մ. Աթոռի բարոյական պարտաւորութիւնների անթերի կատարումն դէպի իւր ուսումնաւորներն զաւակները: Մ. Աթոռը իւր սուղ միջոցներից հարիւր հազար ռուբլի է դնում իւր հովանու տակ պատսպարուած դպրոցի պահպանութեան համար, որ անշուշտ աւելի ևս մեծ գումարի պիտի հասնէ տարուայ վերջը. հերթը եկել է մեր ժողովրդին, նորա բոլոր խա-

ւերին, օգնութեան գալ Մ. Աթոռին այսպիսի ծանր պայ-  
մաններէ մէջ:

\* \*

Օգոստոսի 28-ին լրացաւ Ազգիս Վեհ. Հայրապետի  
ծննդեան 69-ամեակը և ն. Վեհափառութիւնը թեակո-  
խեց իւր 70-ամեակը:

Ն. Սրբութիւնն այդ առթիւ չընդունեց ոչ մի պաշ-  
տօնական շնորհաւորութիւն, բացի միաբանական որ-  
դիական արտայայտութիւն զգացումներէց, որով ցանկա-  
ցան ն. Սրբութեան ընդ երկար մնալ բազմաժ Ս. Լուսա-  
ւորչի Գահի վերայ, գործադրելու իւր բոլոր ոյժերը յօ-  
գուտ Հայ եկեղեցու բարգաւաճման, որին Հայրապետ է  
կոչուած:

\* \*

Սեպտ. 2-ին Մ. Աթոռի միաբան շնորհ. Հայկ սար-  
կաւագ Եարամիշեան, Վեհ. Հայրապետի հրամանով նշա-  
նակուեցաւ օգնական-մատենադարանապետի Մ. Աթոռոյս:  
Վեհ. Հայրապետի հրամանով նշանակուեցաւ նա Ս.  
Էջմիածնի Ուսումն. Յանձնաժողովի անդամ:

\* \*

Մ. Աթոռի ձեմարանի Վարչութիւնը հրաւիրեց  
ստանձնելու շնորհ. Հայկ սարկ. Եարամիշեանին Ռուսաց  
լեզուի, պատմութեան, գրականութեան և Յունարէնի  
գասերը, տարուայ սկզբից անակնկալ կերպով իւր պաշ-  
տօնը թողած և հեռացած ուսուցիչ պ. Մակինցեանի և  
հիւանդութեան պատճառով իւր գասերն ստանձնելու  
հնարաւորութիւնից զրկուած պ. Ս. Դօլգեանի փոխարէն:

\* \*

~~Սեպտ. 5-ին Մ. Աթոռ ժամանեց Պետական Դումայի~~  
անդամ Վլադիմիր Ալեքսէեւիչ Ռոմանովի, ուղեկցութեամբ  
Երկրագործութեան Նախարարութեան առանձին յանձնա-  
րարութեանց պաշտօնեայ և Կովկասեան արտադրութեանց  
Յանձնաժողովի գործադիր-անդամ, գիւղատնտես Յարու-  
թիւն Ստեփ. Փիրալեանի:

Հիւրերն արժանացան Ն. Վեհափառութեան առանձին ունկնդրութեան, մօտ մի ժամի չափ: Պ. Ռժեւսկուն առանձնապէս հետաքրքրում էր մօտ ապագայում կովկասում մտցնուելիք զեմատվոյի խնդիրը և նա շատ զոհ մնաց Ն. Սրբութեան տեսակէտը լսելով իրեն հետաքրքրող խնդիրների նկատմամբ:

Ապա հիւրերը հ. Դիւանապետի առաջնորդութեամբ մեծ հետաքրքրութեամբ դիտեցին Մ. Տաճարը, իբրև հնութիւն և իբրև ճարտարապետութեան արդիւնք, մատենադարանը՝ իւր Ձեռագիրների բաժնով, որ առանձին հետաքրքրութիւն և բաւականութիւն պատճառեց պ. Ռժեւսկուն: Հետաքրքրական էր դիտել, թէ ինչպիսի կենդանի հետախուզութեամբ, Պուլկովի դիտարանի նախկին տեսուչը, մանրամասն հարցեր էր առաջարկում իւր առաջ դարերի շարքով դարսուած օտար արուեստի և դպրութեան արդիւնք Ձեռագիրների մասին և ինչպիսի գոհունակութեամբ էր փայլում նորա դէմքը հ. Գարեգնի տուած բացատրութիւններով: Ապա դիտեցին Ճեմարանը և յարակից շէնքերը, Որբանոցը, ուր հիւրերը մանրամասն հարց ու փորձ արին նոցա կենցաղի մասին և զոհ սրտով հեռացան:

Մ. Աթոռի կողմից հիւրերին ցոյց տրուեցաւ հիւրասիրութիւն: Ճաշին ներկայ էին Տ. Մատթէոս եպիսկոպոս, Տ. Տիրայր ծ. վարդապետ, Տ. Գարեգին ծ. վարդապետ, Տ. Գէորգ վարդապետ, շնորհ. Հայկ սարկաւազ Եաբամիշեան:

Երեկոյեան 5<sup>1</sup>/<sub>4</sub> ժամին հիւրերը զոհ սրտով հեռացան Մ. Աթոռից, տանելով իրենց հետ լաւագոյն տպաւորութիւններ:

\* \* \*

Սեպտ. 14-ին Մ. Աթոռ ժամանեց Երևանից պ. Տիգրան Նազարեանը, որին Ն. Սրբութիւնը բարեհաճեց առանձին ունկնդրութիւն շնորհել:

Պ. Նազարեան առաքելութիւն ունէր Աղէքսանդրոպոլի, Երևանի և Էջմիածնի շրջաններից մեծաքանակ որբեր ժո-

ղովել և տեղափոխել Ղարաբաղ, այնտեղ նոցա համար կարևոր ապաստարաններ հիմնելով, ինչպէս Շուշի քաղաքում, նոյնպէս և Ղարաբաղի թեմերի վանքերում: Այս նպատակով նա սեպտեմբերի սկզբին գնացել էր, առանձին յանձնարարութեամբ, Շուշի՝ տեղական մարմինների հետ խորհրդակցելու և գործը կազմակերպելու: Խորհրդակցութեան հետևանքն էր եղած մի նոր մարմնի կազմութիւնը, որի գլուխ և պատուաւոր նախագահն է Ղարաբաղի թեմի ժամ. կառավարիչ Տ. Վահան ծ. վարդապետը, իսկ անդամները տեղական մտաւորական և այլ ոյժերը:

Որբերի ապաստարանում ընդհանուր առմամբ ենթադրւում է տեղաւորել մօտ 2000 որբ, որոնց պահպանութեան ամբողջ հոգացողութեան խնամքը յանձնարարուած է պ. Նազարեանին, գաղթականների պարենաւորման ընդհանուր ղեկավար գեն.-մայ. Թամամշեանի կողմից:

Որբերն արդէն փոխաւորւում են երկաթուղով մինչև Եւլախ կայարանն, իսկ այդ տեղից պ. Նազարեանի օգնական Մովսէս-բէկ Իւզբաշեանի խնամքով՝ կառքերով մինչև Շուշի և կամ իրենց ապաստարանների վայրերը:

Պ. Նազարեանը ամսոյս 15-ին, ստանալով Ն. Սրբութեան օրհնութիւնը իւր սկսած գործի համար, մեկնեց Տփլիս:

\*\*\*

 Սեպտ. 20 ին Մ. Աթոռ ժամանեցին Պետրոգրադի Ամերիկական դեսպանատան խորհրդատու միստրը Կրէսէ, Ամերիկական Հայանպաստ Յանձնաժողովի անդամներ մ-ր Եարով, պատուելի Ֆ. Մըկ-Ալլըմ, դ-ր Ռայնոլդս, մ-ր Մէյնարդ, որոնք նոյն օրն իսկ մեկնեցին Իզդիր գաղթականական գործերի և գաղթականների գրութեան ի մօտոյ ծանօթանալու:

Երեկոյեան դէմ վերադառնալով Իզդիրից Մ. Աթոռ բաղդունեցան ներկայանալու Ն. Ս. Օժութեան և շահեկան տեղեկութիւններ հաղորդել Վեհ. Հայրապետին և ստանալ:

Հիւրերը մնացին Ն. Վեհափառութեան մօտ  $\frac{5}{4}$  ժամ և հեռացան գոհ սրտով և տալաւորութեամբ:

\*\*\*

Սեպտ. 20-ին Մ. Աթոռ ժամանեցին Կայսերական Հնագիտական Ինստիտուտի իսկական անդամ և Պետական խնայողական Փանծարանների վարչութեան քննիչ Իւան Պաւլովիչ Իւվաչեւ, Պետական խնայող փանծարանների վարչութեան քննիչ Վիկտոր Ալէքսանդրովիչ Սիմանովսկիյ, Երևանի Պետական Դրամատան բաժնի ժամ. — կառավարիչ Եակով Սիլվանովիչ Ռուդենկո, իրենց օգնականներով, որոնք արժանացան Ն. Սրբութեան առանձին ունկնդրութեան:

Հիւրերը միառմի դիտեցին Մ. Աթոռի արժանաւոր հնութիւնները, վայրերը և Աթոռի հիւրասիրութիւնը վայելելով մեկնեցին Երևան:

\* \* \*

Սեպտ. 23-ին, երեկոյեան, Ն. Վեհափառութիւնը բարեհաճեց Մ. Տաճար իջնել և ներկայ լինել իւր Անուանակոչութեան նախատօնակին:

Վեհ. Հայրապետը այս տարի չհաճեցաւ ընդունուած հանդիսաւոր թափորով իջնել ի Տաճար, ըստ նախաւանդ սովորութեան, այլ բաւականացաւ սովորականի պէս՝ առանց շուքի իջնել, ի նկատի ունենալով իւր հօտի տառապանքի և վշտակրութեան օրերը: Ն. Սրբութեան Տաճար էին առաջնորդում եպիսկոսական դասը և միաբանութեան անդամները:

Դուրսը խոնուած բազմութիւնը խոնարհում էր աջ և ձախ օրհնութիւն առաքող Հովուապետի առաջ:

\* \* \*

Սեպտ. 24-ին, Ն. Ս. Օծութեան անուանակոչութեան և Մ. Աթոռի Հոգևոր «Գէորգեան» ձեմարանի Քառասուն և երկրորդ տարեդարձի առթիւ հանդիսաւոր պատարագ էր Մ. Տաճարում: Պատարագիչն էր Տ. Յուսիկ արքեպիսկոպոս:

Ն. Վեհափառութիւնն, ըստ նախաւանդ սովորութեան, իւր Անուանակոչութեան Տօնի առթիւ, պաշտօնական ընդունելութիւն չունէր, իբր վշտակիր Հայր իւր հօտի:

Պատարագին Ն. Սրբութիւնը Մ. Տաճար իջաւ եպիսկոպոսական դասի առաջնորդութեամբ: Ըստ սովորականին, Պատարագից յետոյ իջման Ս. Սեղանի առաջ կատարուեցաւ Հայրապետական մաղթանք, որից յետոյ միաբանական ուխտը մօտեցաւ Հայրապետի աջն առնելու և այնտեղ իրենց շնորհաւորութիւնները մատուցանելու լռելեայն: Միաբանական ուխտից յետոյ Հայրապետի աջն առնելու մօտեցան Ճեմարանի աշակերտութիւնը, չոքելով և Գահ բազմած Հայրապետի ս. աջը և խաչը համբուրելով:

\* \* \*

Պատարագից յետոյ Հոգևոր Ճեմարանի երջանկայիշատակ հիմնադրի, Տ. Գէորգ Դ. կաթողիկոսի, գերեզմանի օրհնութիւնը կատարուեցաւ, ըստ աւանդական սովորութեան:

Երգչական խումբը, հանգստեան շարականի երգակցութեամբ, ամբողջ միաբանական ուխտը, Ս. Հայրապետի գլխաւորութեամբ, ելնելով Մ. Տաճարից, բոլորեց հայութեան լուսաւոր կենտրոնի կանգնողի ծաղիկներով զարդարուած շիրմի շուրջը, իսկ ուխտաւորների, ժողովրդի և մօտաւոր գիւղերից բազմամբոխ եկուորների լայն շարքերը բռնել էին Տաճարի հիւսիսային բաժինը:

Հոգեհանգստեան կարգը կատարելուց յետոյ միաբանութիւնը առաջնորդեց Հոգևոր Տիրոջը Վեհարան:

\* \* \*

Զնայելով որ պաշտօնական ընդունելութիւն չկար, սակայն և այնպէս Երևանից եկած պատգամաւորներին Ն. Սրբութիւնը հաճեցաւ ընդունել:

Ներկայացան Փոխ-թեմակալ Տ. Խորէն եպիսկոպոս, քաղաքագլուխ Սամսոն Խաչատրեան, փաստաբաններ Գրիգոր Տ. Խաչատրեան, Լևոն Մուշեղեան, և Գրիգոր Պետրոսեան, պ. պ. Վասիլ Եղիազարեան, Յովհաննէս Մելիքեան ևն:

Ն. Վեհափառութեան անուանակոչութիւնը շնորհաւորելու համար Տփլիսի Երաժշտական Ընկերութիւնը ուղարկել էր առանձին պատգամաւոր, յանձին իւր ան-

դամ-զանձապահի՝ Տիկ. Նունէ Գօլուխանեանի, որ ներկայանալով Ն. Սրբութեան շնորհաւորեց Երաժշտական Ընկերութեան և իւր կողմից:

\* \*  
\*

Ճեմարանի ուսուցչական կազմը, հ. Տեսչի գլխավորութեամբ, բաղդ ունեցաւ ներկայանալ Ն. Սրբութեան և շնորհաւորել Նորին Վեհափառութեան անուանակոչութիւնը:

Տեսուչ, հ. Գարեգին ծ. վարդապետը, ներկայացրեց մէկ-մէկ բոլոր ուսուցիչներին և ամենքի կողմից շնորհաւորելով Սրբ. Հայրապետի տօնը, ցանկացաւ Ն. Սրբութեան բարեբաստ օրեր, ընդ երկար հովանաւորելու Մ. Աթոռի լուսաւորութեան կենտրոնը:

Ն. Վեհափառութիւնը յորդորեց ուսուցչական մարմնին համերաշխ գործակցութեամբ, եռանդով և սիրով տանել իրենց յանձնուած պատուաւոր, սակայն պատասխանատու գործը՝ աշխատելով ներշնչել մանուկ սերնդին սէր դէպի Հայրենի Եկեղեցին, նորա սրբութիւնները, անցեալի ժառանգութեան վերաբերուիլ յարգանօք, որ ապագայի լաւագոյն գործառնութեան հիմքերը պիտի կազմեն մատաղ և կազմակերպուող ողինքի մէջ:

\* \*  
\*

Ժամը 1-ին, Ն. Սրբութիւնը, ըստ հրաւերի Ճեմարանի հ. Տեսչի, հաճեցաւ իջնել Վեհաբանից և շրջապատուած Միաբանական Ուխտի անդամներով, նոցա առաջնորդութեամբ անցաւ Ճեմարան, որի մուտքի առաջ ընդունեց Ն. Սրբութեան Ճեմարանի Վարչական կազմը:

Ճեմարանի հիւսիսային կողմը զարդարուած էր տարեկան հանդիսի համար: Գլխավոր մուտքի կամարի մէջ զետեղած էր Հիմնադրի մեծագիր իւղաներկ նկարը, զարդարուած ծաղիկների և կանաչի դրասանգներով, որ գալիս իջնում և գալարւում էին սիւնների շուրջը: Հրապարակ-սալահատակի մէջ տեղը, կարմիր մահուդի վերայ առած, գորգերի վերայ դրուած էր Հայրապետական Գա-

հոյքը բարձրագիւր պատուանդանի վերայ: Գահի երկու կողմը շարուած էին բազկաթոռներ միաբանական ուխտի և աթոռներ հասարակութեան ներկայացուցիչների և հանդիսականների համար:

Ն. Սրբութիւնը գահ բազմելով երգեցիկ խումբը երգեց «Քաջամարտիկ» շարականը, որից յետոյ Ճեմարանի հ. Տեսուչը կարգաց հասարակութեան առաջ նախորդ երկու տարուայ, 1914/15 և 1915/16 ուսումն. տարիների ընդարձակ տեղեկագիրը, մանրամասն կանգ առնելով անցեալ տարիների՝ նախորդի ուսման կեսնքի և վերջնորդի Ճեմարանը մի տարով փակ պահելու պարագաների վերայ:

Տեղեկագիրը «Արարատ»ի մէջ հրատարակուելու պատճառով, մանրամասնութիւնները այնտեղ կարելի է տեսնել:

Այնուհետև հանդէսը շարունակուեցաւ հետևեալ կարգով:

- |                                         |                                     |
|-----------------------------------------|-------------------------------------|
| 1. Օրհներգ Հայրապետական .               | Քառաձայն խումբը                     |
| 2. Երկու փոթորիկ (ոտ. Ալ. Ծատուրեանի)   | աշ. Բ. դ. Տէր-Յովհաննիսեան վաղարշակ |
| 3. Կեանքս դալար (ոտ. Ա. Իսահակեանի)     | ուս. Ա. լս. Տէր-Երեմեան Գուրգէն     |
| 4. Քեզի մեռնիմ (երգ) .                  | Խումբը.                             |
| 5. Բանախօսութիւն .                      | պ. Ե. Հայրապետեան                   |
| 6. Ծովուն (ոտ. Ա. Զոպանեանի)            | աշ. Դ. դ. Վարդանեան Սեդրակ          |
| 7. Մեր նախնիքը (երգ) .                  | Խումբը                              |
| 8. Ճանաչում էք (ինքնուրոյն ոտ.)         | ուս. Բ. լս. Գրիգորեան Դանիէլ        |
| 9. Մենք ուխտ ունենք (ոտ. Յ. Թումանեանի) | աշ. Դ. դ. Յարութիւնեան Եղիշէ        |
| 10. Զէյթունցիներ (երգ.) .               | Խումբը                              |

Գեղեցիկ տպաւորութիւն թողեց Բ. լսարանի ուսանող Գրիգորեան Դանիէլի ինքնուրոյն՝ բզկթուած Հայութեան և նորա խեղճ ցին ու ուրուրների բաժին դարձած

Հայրենիքին նուիրուած բանաստեղծութիւնը, որ ընթերցողը կգտնէ «Արարատ»ի այս համարում:

Հանդէսը վերջացաւ Վեհ. Հայրապետի «Պահպանիչ»ով: Միաբանութեան անդամների, ձեմարանի հ. Տեսչի և ուսուցչական մարմնի առաջնորդութեամբ Վեհ. Հայրապետը թողեց հանդիսավայրը, նախապէս օրհնելով ձեմարանի հիմնադրի յիշատակը, ուսուցիչներին, և աշակերտութիւնը և անցաւ Մայրավանքը:

\* \*

Նորին Սրբութեան հաճելի եղաւ իւր անուանակոչութեան Տօնի առթիւ իւր հետ սեղանակից լինելու հրավիրել Մ. Աթոռի Միաբանութեան անդամներից և եկող պատգամաւորներից մի քանիսին միայն, որովհետեւ Երևանից եկած պատգամաւոր հիւրերը ներողութիւն խնդրելով Ն. Սրբութիւնից վաղօրօք մեկնել էին:

\* \*

Ն. Սրբութեան Անուանակոչութեան առթիւ Հայութեան ամէն վայրերից բազմաթիւ հեռագրական շնորհակալութիւններով իւր հօտերի բոլոր խաւերն շտապել էին իրենց որդիական սէրն ու յարգանքը մատուցանել Ազգիս Վեհ. Հայրապետին, որոնց մէջ մտնում են թեմակալ Առաջնորդներ, Փոխանորդներ, քահանայական դաս, համայնքներ, ընկերութիւններ, անհատներ, դպրոցական մարմիններ, աշակերտութիւն, այլ և բազմաթիւ պաշտօնական օտարազգիք:

Ն. Վեհափառութեան Դիւանի կողմից ամենքին ևս յայտնուեցաւ Ն. Սրբութեան օրհնութիւնը և շնորհակալիքը:

\* \*

Երեկոյեան ոչ վանքի բակում և ոչ ձեմարանում հրավառութիւն և դբօսանք չկար: Այդպիսի զուարճութիւնների օրեր և տարի չէր այս դժբաղդութեան մեծ տարին, երբ հազարաւոր արիւնակիցներ վշտի ու տառապանքի խաչն են կրում իրենց անզօր ուսերի վե-

րայ, երբ Հայութիւնը արիւնքում է եղած և հարիւր հազարաւոր դիակներ չարատանջ մահուան հրեշտակն է սաւառնում մեր շուրջը, — այսպիսի արեան ու արցունքի օրերին, բնական է, որ զուարճութեան մասը պիտի բոլորովին բացակայէր և Վեհ. Տօնապետի և Հոգևոր Ճեմարանի համար:

Երեկոյեան Ճեմարանը, իւր զուտ ընտանեկան կեանքն էր ապրում, խմբուած ի միասին, վերյիշելով անցեալի, քառասուն և երկու տարուայ կեանքը և յուսով ու հաւատով թեակոխելով իւր քառասուն և երրորդ տարին:

\* \* \*

Ն. Սրբութիւնը սեպտ. 29-ին, առաւօտեան, բարեհաճեց մեկնել Երևան, ուղեկցութեամբ իւր Դիւանապետ Տ. Տիրայր ծ. վարդապետի և Մ. Աթոռի Գանձապահ Տ. Վրթանէս վարդապետի:

Փարաքար գիւղում, Ն. Սրբութեան ընդ առաջ էր եկել Երևանի Փոխ թեմակալ Տ. Խորէն եպիսկոպոսը, որը և ընդունեց Նորան գիւղի հասարակութեան ներկայացուցիչների հետ, որոնք Վեհ. Հայրապետին աղ ու հաց մատուցին: Դպրոցի առաջ խմբուած աշակերտութիւնը Ն. Սրբութեանն ընդունեց երգեցողութեամբ:

Ն. Սրբութիւնը օրհնելով իւր օրհնութիւնը խնդրող ներկայացուցիչներին և գումարուած ժողովրդին մեկնեց Երևան:

Փարաքար էր եկած ընդ առաջ նաև Երևանի ոստիկանապետը:

\* \* \*

Երևանի այգիների մօտ ընդ առաջ էին եկել Ն. Սրբութեան քաղաքից պատգամաւորներ, բազմաթիւ կառքերով և Ն. Սրբութիւնը շրջապատուած իւր հետզհետէ աւելացող հետևորդներով մտաւ քաղաք:

Առաջնորդական ս. Սարգիս եկեղեցու առաջ կանգ առնելով Վեհ. Հայրապետի փակ կառքը, Ն. Սրբութիւնը հաճեց Եկեղեցի մտնել, իրեն ընդ առաջ ելած շուրջա-

ռազգեստ քահանայական դասի և եկեղեցականութեան առաջնորդութեամբ, «Հրաշափառ» շարականի երգակցութեամբ:

«Ուրախ եղէ» սաղմոսի արտասանութիւնից և կարճ աղօթքից յետոյ, Վեհ. Հայրապետը դարձաւ Եկեղեցում ժողովուած երկսեռ բազմաթիւ աղօթաւոր ընդունողներին կարճ խօսքով, յայտնելով, որ Իւր համար ամենեւին ցանկալի չէր զրկել իւր ժողովրդին աշխատանքի օրը աշխատանքի պարտաւորութիւնից և անհրաժեշտութիւնից, սակայն, ուրախ է, որ տեսնում է այսքան մեծ բազմութիւն, որ եկել է իւր սիրոյ և յարգանքի զգացումները մատուցանելու իւր Հայրապետին, որ նոցա ջերմեռանգութեան արգասիքն է, ինչպէս և սիրոյ առհաւատչեան դէպի իւր ս. Եկեղեցին և նորա Քահանայապետը: Օրհնում է ամենքին, աղօթելով Տիբոշը զօրացնել իւր ժողովրդի հաւատն ու սէրը դէպի իւր սրբութիւնները և դէպի Մ. Աթոռն ու նորա Քահակալները:

Եկեղեցուց դուրս գալով դիմեց դէպի առաջնորդարան, անցնելով երկշար կանգնած դպրոցական աշակերտութեան, Որբանոցների ապաստան գտած որբուկների միջոցով, որոնք տեղ էին բռնել եկեղեցու դռնից մինչև առաջնորդարանի գաւթի սանդուղտները: Աշակերտներն ու աշակերտուհիները ծաղիկներ և թարմ կանաչ ու ոստեր էին փռում ն. Սրբութեան ուղեգիծ կազմող գորգերի և կարմիր մահուղի վերայ:

Ն. Սրբութեան ամպհովանին կրում էին, թուրք հասարակութեան ներկայացուցիչ, Երևանի նախկին տիրապետող խաների սերունդ՝ Աղա-խան և քաղաքագլխի պաշտօնակատար պ. պ. Արամ Բունիաթեան, Վասիլ Եղիազարեան ու Յովհ. Մելիքեան:

Վեհ. Հայրապետը մտնելով առաջնորդարան օրհնեց ամենքին և մտաւ կարճ ժամանակով իւր առանձնասենեակը:

Մինչև ն. Սրբութեան դահլիճ մտնելն այնտեղ տեղ էին բռնել Երևանի հասարակութեան բազմաթիւ ներկայացուցիչները, առանց ազգի և սեռի խտրութեան:

Ներկայ էր թուրք հասարակութեան կողմից Հոգևոր կառավարութեան Ատենապետ Ղազին՝ իւր երկու օգնականով, նախկին սարդարների շառաւիղ Աղա-խան Երևանսկին և պատուաւոր վաճառականներից մի քանի հոգի, հայ հասարակական գործիչներ, դպրոցական և որբախնամ ընկերութիւնների մարմիններ և ներկայացուցիչ տիկիւններ, օրիորդներ և պարոններ:

Ամբողջ Առաջնորդարանը զարդարուած էր բազմաթիւ գորգերով, թարմ կանաչով, դրօշակներով: Ներսը՝ դահլիճի ծայրը դրուած էր Հայրապետական Գահը, որի տակ փռուած էր Երևանի գաղթականական արհեստանոցի արդիւնք մի փոքրիկ գեղեցիկ գորգ և սպիտակ թաղիքից պատրաստուած, ճաշակով զարդարուած ոտքի տակի մի փոքր:

\* \* \*

Վեհ. Հայրապետը մի քանի րոպէ հանգստանալուց յետոյ հաճեց ընդունել Ղազին և իւր երկու օգնականին և Աղա-խան Երևանսկուն:

Ղազին շնորհաւորեց ն. Սրբութեան մուտքը Երևան և թէ իւր օգնականների, և թէ Երևանի թուրք հասարակութեան կողմից խնդակցութիւն յայտնեց Ս. Էջմիածնի Մեծ-Խալիֆային քաջառողջ տեսնելով: Ս. Էջմիածինը, յարեալ Ղազին, և իւր Գահակալները միշտ առանձին հոգածութեամբ են վերաբերուել անցեալում դէպի Վերսիլման հասարակութիւնը և յարգանքով՝ դէպի նորա շրջանը ներկայացուցիչները: Ուրախ ենք, որ ժամանակը «այդ բարի ու յարգական յարաբերութիւններն աւելի ևս շերտացրել ու մտերիմ են դարձրել և ինքը ուրախ է «յայտնելու, որ Երևանի միւսիւլման հասարակութիւնը շնոյն զգացումներն է տածում դէպի իւր հարեան հայ ժողովուրդը, դէպի Ս. Աթոռը և նորա Մեծ-Խալիֆան, որին «կրկին և կրկին իւր ողջոյններն է մատուցանում»:

Վեհ. Հայրապետը իւր շնորհակալութիւնը յայտնելով  
 Հազիին, իւր օգնականներին և հասարակութեան ներ-  
 կայացուցիչ Աղա-խանին, յայտնեց ~~էր Բագրատ~~ «Հատ գոհ  
 «միւսիւման հասարակութեան հոգևոր և աշխարհիկ ներ-  
 «կայացուցիչներին լսելու այն բարձր գնահատական զգա-  
 «ցումների մասին, որ ունեն նոքա դէպի Հայ ազգի սրբա-  
 «վայր կենտրոնը և նորա Գահակալները: Առաւել ևս  
 «հաճելի է ինչ համար լսել համերկրացիական այն զգա-  
 «ցումների արտայայտութիւնը, որ մեր հարեան թուրք  
 «ազգաբնակցութիւնը տածում է իւր տարակրօն և այլա-  
 «սեռ եղբայր Հայերը: Այդ զգացումները գնահատում եմ,  
 «~~առաջնութեամբ~~ և յորդորում միշտ նոյնը բարոգել  
 «և սերմանել Ձեր ժողովրդի սրտերում: Աստուած իւր  
 «արևն ու լոյսը համահաւասար չափով է սփռում իւր բո-  
 «լոր ստեղծուածների վերայ: Տիրոջ այդ մեծ և բարի  
 «օրինակը խրատական թող լինի նորա սիրոյ ջերմութեան  
 «տակ բաղդակից միւսիւմանների և հայերի համար, միա-  
 «համուռ ոյժերով ձգտելու երկրի բարօրութեան և խաղաղ  
 «քաղաքակրթական յառաջադիմութեան գործում:

Եւ որ շոյնները յայտնեցէք և իմ օրհնութիւնը տուէք  
 «Ձեր ժողովրդին և ազգակիցներին»:

Հազին և իւր ընկերները Վեհ. Հայրապետի առա-  
 ջարկութեամբ նստեցին և 10 րոպէի չափ ունկնդրու-  
 թիւն ունեցին:

\* \*

Ն. Սրբութեան ներկայացան այնուհետեւ շրջանային  
 Դատարանի դատախազ Վլադիմիր Պլատոնովիչ Գիրչենկօ,  
 Երևանի գիմնազիայի տեսուչ Եւգինիյ Ալէք. Զօկաշվիլի,  
 ուսուցչական սեմինարիայի և բ. օրիորդաց գիմնազիայի  
 տեսուչ Վալենտին Վասիլ. Դօբրօտին:

\* \*

Երևանի Նահանգապետի բացակայութեան պատճա-  
 ռով Ն. Վեհափառութեան այցի եկաւ փոխ-Նահանգապետ  
 Ալէքսանդր Դաւիդովիչ Պանջուլիձեւ, որին Ն. Սրբութիւնն  
 ընդունեց առանձին ունկնդրութեամբ:

Այնուհետև ներկայացան Քաղաքային Վարչութեան կողմից՝ քաղաքագլխի բացակայութեան պատճառով, քաղաքագլխի-պաշտօնակատար Արամ Բունիաթեան, քաղաքային Վարչութեան անդամ Արմենակ Աւետիքեան, փոստային Վարչութեան կողմից պ. Պետրոսեան, Նահանգապետի Դիւանի կառավարիչ Անատոլիյ Միխ. Դամասկին, Արքունի Պալատի կառավարիչ Նիկոլայ Նիկոլ. Օգուրով, Նահանգապետի առանձին յանձնարարութեանց պաշտօնեայ պ. Մուշեղեան:

\* \*  
\*

Որբախնամ ընկերութիւնների Վարչութեան նախագահը և անդամուհիներն արժանացան Ն. Վեհափառութեան առանձին ունկնդրութեան, որոնց Ն. Սրբութիւնը օրհնելով իրենց ցոյց տուած ջանքերի և խնամածութեան համար, յորդորեց առաւել ևս սէրով հոգ տանել իրենց խնամքին յանձնուած որբերին:

\* \*  
\*

Երեւանի հասարակութեան կողմից ընտրուած ընդունելութեան Յանձնաժողովի անդամներ, պ. պ. Վասիլ Եղիազարեան, Գրիգոր Տ. Խաչատրեան, Գաբրիէլ Մնացականեան, Գէորգ Խանադատեան, Յովհաննէս Մելիքեան, Լեոն Մուշեղեան, Մարտիրոս Դաւթեան, Թ. Տօշեան Ռուբէն Աֆրիկեան, Երուանդ Գէորգեան ներկայանալով Ն. Վեհափառութեան շնորհաբեր գալուստ մաղթեցին Ն. Սրբութեան և խնդրեցին մի քանի օրով հաճել հիւր լինել Երեւանի հայ հասարակութեան, որ վաղուց ի վեր սպասում է իւր Վեհափառ Թեմակալին իրենց շրջանում տեսնել:

Ն. Վեհափառութիւնը իւր շնորհակալիքը յայտնելով եղած ընդունելութեան համար, յայտնեց միաժամանակ որ անկարող պիտի լինի ընդունել հասարակութեան ջերմ ցանկութիւնը, շնայելով որ իւր համար, անձնապէս, շատ և շատ ցանկալի պիտի լինէր ի մօտոյ ծանօթանալ այն բազմաթիւ կարիքների հետ, որ ունի Երեւանի Թեմը, աշխա-

տելու, ըստ հնարաւորութեան, դարման տանել այն կա-  
րիքները լցուցանելու, քանի որ Մ. Աթոռից երկար բա-  
ցակայելու հնարաւորութիւն չունի և իւր անմիջական  
պարտիքը ստիպում են վաղն իսկ վերադառնալ Ս. Էջ-  
միածին: Մի այլ ժամանակ, յարեց Ն. Սրբութիւնը, ու-  
րախութեամբ աւելի երկար կ'մնամ Ձեզ մօտ:

\* \*

Ն. Սրբութեան բաղդ ունեցան առանձին ներկայա-  
նալու բժ. Յովհաննէս Յովհաննիսեան և Առաքել-աղա  
Աֆրիկեան, որոնք մնացին Ն. Վեհափառութեան մօտ շուրջ  
10 րոպէ:

\* \*

Ժամը 1-ին Ն. Սրբութեան ներկայանալու արժանա-  
ցիւթեանաճ-խանի որդի Ալի-խան Մակինսկիյ, որին Ն.  
Վեհափառութիւնն ընդունեց առանձին ունկդրութեամբ:

Երեկոյեան ժամը 5<sup>1/2</sup>-ին Ն. Սրբութեան ներկայացաւ  
Պանաս-խան Մակինսկիյ 80-ամեայ ծերունին, որին Ն.  
Սրբութիւնն ընդունեց իւր առանձնասենեակում, և ունկն-  
դրութիւնը տեւեց մօտ 40 րոպէ:

Պանաս-խանը ողջունեց Ն. Սրբութեան բարի գա-  
լուստը Երեւան և իւր ջերմ ցաւակցութիւնը յայտնեց,  
որ հիւանդութեան պատճառով անկարող էր եղած առա-  
ւօտեան ընդ առաջ գալ Ն. Սրբութեան: Դա իւր սրբազան  
պարտքն էր, — յարեց իսանը, — որովհետեւ իմ նախնիքներից  
ենք սովորած ամենամեծ յարգանքով վերաբերուել գէպի  
Ս. Էջմիածնի Մայրավանքը և նորա գահակալ Մեծ-խալի-  
Ֆաները, նոյնը և միշտ կատարելով, յորդորել եմ իմ ցե-  
ղակիցներին և հաւատակիցներին միշտ ի նկատի ունենալ  
և գործադրել:

Ն. Սրբութիւնը իւր շնորհակալիքը յայտնեց իսանին  
իւր զգացումների համար, որ պատիւ է բերում իրեն,  
իբրեւ մեծ օջախի սերնդի և յորդորեց նոյն ոգով կրթել և  
իւր որդուն և նորա զաւակներին, որով համերաշխութեան

գործը գլուխ դառնալու նպատակով կլինին մեծերը, որոնց օրինակին է հետևել և հետևում միևսիւման ժողովուրդը:

Ապա ն. Սրբութիւնը հիւրասիրեց խանին թէյով, որի ժամանակ վերջիշումներ տեղի ունեցան փանահ-խանի կողմից այն ծառայութեան մասին, որ կատարել էր իւր պապ Ահմէտ-խանը Պարսից արշաւանքի ժամանակ, հրամայելով չ'ամբակոծել էջմիածինը, իբրեւ Հայոց Սրբավայր և միևսիւմանների համար իսկ յարգուած սրբավայր: Ինչպէս իւր հօր, Սիւլէյման-խանի և ներսէս Մեծ-խալիֆայի մէջբարեկամական և բարեացակամ յարաբերութիւններ էին ստեղծուած, որով երկրի խաղաղութիւնն էր պահպանուած երկու հարեան, այլասեռ, բայց բաղդակից ազգութիւնների մէջ. նաեւ իւր անձնական ծառայութիւնները Ռուս-Տաճկական պատերազմի ժամանակ, ինչպէս և այլ դէպքերում, ի նկատ ունենալով միայն համադրացիական բարի կապերի պահպանութիւնը: Նայն օգով, — առից խանը, — կրթում եմ և իմ որդուն, Ալի-խանին, և գիտեմ որ այդ նկատմամբ միևսիւման ժողովուրդը միայն օգուտ ունի:

Ն. Վեհափառութիւնը գովեց նորա այդ բարեմիտ վերաբերմունքը, յորդորելով առաւել լայն խաւերի մէջ ընդհանրացնել համագործակցական, իրար յարգելու, միմեանց իրաւունքները ճանաչելու, և արդարութեան ու իրաւախոհութեան ճանապարհով ընթանալու օգուտներ տուող ակզբունքները:

Փանահ-խանը հեռացաւ շատ գոհ օրտով և մխիթարուած իւր այցի ելքով:

\* \*

Ն. Սրբութեան ներկայացաւ Երեւանի Ռուս հոգևորականութեան կողմից, ծերունի, Երեւանի բարեկարգիչը, ներողութիւն խնդրելով, որ չէ կարողացել իւր որդիական պարտքը կատարել աւելի կանուխ, որովհետեւ հիւանդոտ է և գործերով ծանրաբեռնուած:

Ընդունելութիւնը տեւեց մօտ 10 րոպէ:

\* \*

(գալիցի)

Նոյն օրը, սեպտ. 29-ին, Տփլիսից Երևան էր ժամա-  
նաթ ն. Պայծառափայլութիւն Կոմս Վլադիմիր Նիկոլաւիչ  
Կոկովցեւը, որին ն. Սրբութեան պատուէրով այցելութեան  
և բարի գալուստ մաղթելու գնացին Երևանի փոխ-թեմակալ  
Տ. Խորէն եպիսկոպոս և Հայրապետական Դիւանապետ  
Տ. Տիրայր ծ. վարդապետ, երեկոյեան ժամը 10-ին:

Կոմսը սիրով ընդունեց ն. Սրբութեան ներկայացու-  
ցիչներին և ի պատասխան Հայրապետական բարի-գալուստ  
մաղթի, իւր ջերմ շնորհակալիքը յայտնեց և խնդրեց  
հաղորդել այդ մասին ն. Սրբութեան դէպի ինքը տաճած  
ուշադրութեան համար:

Կոմսը շատ գոհ էր իւր կատարած ճանապարհորդու-  
թիւնից, սքանչացած էր Սեանի լճի զգլխիչ գեղեցկու-  
թեամբ, ինչպէս և առհասարակ ամբողջ Կովկասի՝ մէկը  
միւսին գերազանցող գեղեցկութիւններով և զմայլելի վայ-  
րերով: «Շատ ուրախ եմ, յարեց Կոմսը, որ կեանքիս ա-  
րեւմուտքին, գոնէ, կարողացայ ճաշակել Տիրոջ պարգեւած  
այդ հոգեզմայլ տեսարաններն և սիրել Կովկասը:»  
Յաւելեց, որ շատ կարճ ժամանակով է օգտուում այս ամե-  
նից, որով պաշտօնի պարտաւորութիւններն ստիպում են  
նորան շուտով Պետրոգրադ վերադառնալ:

Ապա հետաքրքրուեցաւ գաղթականական գործով,  
պարենաւորման եղանակով, իւր ջերմ ցաւակցութիւնը  
յայտնեց անցեալ տարի էջմիածնի շուրջը հազարաւոր  
զոհեր տուած Հայութեան և առհասարակ նորան հառած  
ծանր օրերի և կորուստների համար:

Կրկին և կրկին շնորհակալութիւն յայտնելով, յարեց,  
որ ինքը վաղը շատ կանուխ պիտի ճանապարհ ընկնէ, ժամը  
6-ին, սակայն իւր պարտքը կը համարէ առ ն. Սրբութիւնը  
պարտավճար լինել:

Ընդունելութիւնը տեւեց մօտ 20 րոպէ:



(Համար 20)

Սեպտ. 30-ին, առաւօտեան ժամը 8<sup>3</sup>/<sub>4</sub>-ին Նորին  
Պայծառափայլութիւնն Կոմս Վլադիմիր Նիկոլաևիչ Կօկով-  
ցեւը փոխ այցելութեան եկաւ Ն. Սրբութեան:

\* \* \*

Ժամը 10-ին Ն. Սրբութեան ներկայացան Երևանի  
թեմակ. դպրանոցի ուսուցիչները, դպրանոցի տեսուչ պ.  
Արշ. Զիլինկարեանի առաջնորդութեամբ:

Ն. Սրբութիւնն ընդունելով ուսուցչական խումբը  
յորդորեց համերաշխ գործակցութեամբ գլուխ հանել իրենց  
վերայ դրուած պարտիքը և աշխատել բարի լինել դէպի  
աշակերտութիւնը, որովհետև շատ չարիք վերանում է  
ուսուցչի այդ վերաբերմունքով և աշակերտութիւնն այդ  
միջոցներով աւելի սիրով է կապւում իւր պարապմունք-  
ներին և իւր դպրոցին:

\* \* \*

Ժամը 11-ին Ն. Սրբութեան ներկայացաւ Ուսուցչա-  
կան Միութեան Երևանի ճիւղի վարչական կազմը, որի  
նախագահ պ. Նիկողայոսեան շնորհաւորելով Ն. Սրբու-  
թեան գալուստը Նորա բարձր ուշադրութիւնը հրաւիրեց  
իրենց ծանր կացութեան վերայ, որով ուսուցչական մար-  
մինը գիւղերում և քաղաքներում նիւթական նեղ դրու-  
թեան մէջ է դառնում և որ ամենից աւելի ցաւալին է,  
Հոգաբարձութիւնն իրենց ծանր կացութիւնը փոխանակ  
բարուոքելու, ուսուցիչների առաջ դպրոցի գոներն է  
փակում:

Ներկայ գտնուող փոխ-թեմակալ Տ. Խորէն եպիսկո-  
պոսը բացաղբեց, որ Տփլիսի Ուսուցչական Միութեան  
Ն. Վեհափառութեան ներկայացրած խնդիրը, ըստ պատ-  
ուէրի Ն. Սրբութեան, առանձին քննութեան խնդիր դար-  
ձած լինելով յատուկ Յանձնաժողովի կողմից, որին մաս-  
նակցում էր և ինքը, Տփլիսում, ցանկալի էր համարուել,  
որ ուսուցիչների այժմեան ստացած թոշակի քանակը  
30—40<sup>0</sup>/<sub>0</sub>-ով բարձրանայ: Վերադառնալով իւր թեմը շատ  
աւելի վաղ, քան Երևանի ուսուցչական միութեան կողմից

Մի  
52 6

խնդիր էր յարուցած, շրջաբերականով կարգադրել է, յանուն Հոգաբարձուների, աւելացնել դասադինը՝ գիւղերում 30, իսկ քաղաքներում 40<sup>0</sup>/<sub>0</sub>, իսկ աւելին՝ որտեղ հնարաւոր է: Այս դրութեամբ, այժմ գիւղական ուսուցիչը, փոխանակ նախկին 300—400 ռ., ստանում է 600 ռ., իսկ քաղաքներում մինչև 1000 ռ.: Եւ այժմ Երևանի Ուսուցչ. Միութեան վարչութիւնը փոխանակ գոհ լինելու և անմիջապէս սկսելու դպրոցական կեանքը, ինչ որ նկատումներով, դասադուլ է հրատարակել, «բօյկօտ» է կազմել մեր դպրոցների դէմ և Հոգաբարձուների անհնարին կացութիւնը թշնամական դրութիւն յայտարարում ուսուցչութեան դէմ:

Վեհ. Հայրապետը Ուսուցչական Միութեան Երևանի ճիւղի այդպիսի վարմունքի մէջ ոչ մի հիմք չ'տեսնելով, յորդորեց նորանոր դժուարութիւններ չյարուցանել, բաւականանալ Հոգաբարձութեան կազմերի յաւելումներով և գործի ձեռնարկել: «Անհատականալի է, ինձ համար, յարեց ն. Վեհափառութիւնը, որ Հայ ուսուցչական մարմինը «բօյկօտ» է հրատարակում Հայ դպրոցի դէմ, փոխանակ ամէն ջանք, միջոցներ և անձնուիրութիւն դնելու դպրոցների թիւը ստուարացնելու փոխանակ՝ փողոցի մէջ և ոչ-ցանկալի միջավայրում վիտացող մեր փոքրիկներին դպրոցական կեանքի հրաւիրելու, Հայ ուսուցչական մարմինը և նորա ղեկավար-վարչութիւնը դպրոցական կեանք տեսած մանուկներին ևս իւր ձեռքով նոյն փողոցն է նետում և անբարոյ միջավայրի ոչ-ցանկալի տարերն աւելի ևս շատացնում: Այս գործը նախկին շրջանի, դադափարական ուսուցիչների սերունդ մեր նոր ուսուցչական միութեան պատիւ բերել չէ կարող: Յաւալի է լսել, որ այժմեան ուսուցչական մարմինը դպրոցական կեանքի վերայ նայում է շահի և օգտաւէտութեան տեսակէտից: Յաւ է ինձ համար, որ Հայ ուսուցչի նիւթականը սուղ է, որ նորա տկար ոյժերը կատարելապէս չեն կազդուրւում, դորա համար ամէն հնարաւոր միջոցներ ձեռք կառնուին՝ բարուղբելու նոցա դրութիւնը, սակայն «բօյկօտ» Հայ դպրոցի

դէմ, դա՛ ցաւալի երեւոյթ է: Եւ կրկին ու կրկին յորդո-  
րեց զգաստանալ և դործի կաշել:

\* \* \*

Ժամը 12<sup>1/2</sup> ին ներկայացաւ Հայ ուսուցչութիւնը,  
զլիսաւորութեամբ թեմական տեսուչ պ. Թ. Խզմալեանի:

Ն. Սրբութիւնը յորդորեց ուսուցչական մարմնին  
միշտ մնալ իւր կոչման բարձրութեան վերայ, լինել ճշմա-  
րիտ և անկեղծ բարեկամ հայ մանուկ սերնդի, սերմա-  
նելով նոցա անկերպարան հոգու և մատաղ սրտի մէջ սէր  
դէպի իւր լեզուն, կրօնը, իւր հայրենի սրբութիւնը՝ զբա-  
կանութիւնը և գիտութիւնները, յարգանք դէպի օտարը  
և օտարինը, որպէս զի ապագայ սերունդը գիտակից տարր  
լինի մեր քաղաքակրթական ուղու վերայ: Յորդորեց թե-  
մական տեսչին ի մօտոյ հսկողութիւն սնննայ դպրոցական  
կեանքի վերայ, թերին լրացնել, լաւագոյնը պատուաստել,  
կարիքների մասին խորհրդակցել փոխ-թեմակալի հետ, ու-  
սուցչական կազմակերպութիւնների շրջաններում և կարեւոր  
դէպքում Ս. Էջմիածնի Ուսումն. Յանձնաժողովին զեկու-  
ցանել, որպէս զի մեր դպրոցական կեանքը կայուն և ար-  
դիւնաւոր լինի:

III

*Երեւոյթ պարտէզի երկայնքով տղջե*

*հոկտ. 30-ին* 12<sup>5/4</sup>-ին Ն. Սրբութեան ներկայացաւ Երեւանի  
Պարսից նոր կենտրոն Միրզա Ասադուլլահ-խան: Նորին  
Սրբութիւնը շնորհեց Խորան առանձին ունկնդրութիւն:

Ասադուլլահ-խանը ողջունեց նորին Վեհափառութեան  
հետեւեալ խօսքերով.

«Բաղդաւոր եմ զգում ինձ, որ հնարաւորութիւն  
«ունիմ ողջունելու յանձին Ձեր՝ Հայ ազգի հոգեւոր քա-  
«ղաքակրթութեան բարձրագոյն ներկայացուցչին: Իմ նոր  
«պաշտօնավայրս մեկնելու ժամանակ, իմ Կառավարու-  
«թիւնից յատուկ հրահանգ ունիմ անձամբ ներկայանալ  
«Ձերդ Սրբութեան և շնորհաւորելու իմ Կառավարու-  
«թեան կողմից, ցանկալով Ձեզ անձնապէս և Ձեր բազմա-  
«թիւ հօտին բարեբաւոտիկ կեանք և յառաջադիմութիւն:

«Հայ և պարսիկ ժողովրդի քաղաքակրթական ուղիները  
«միևնոյն հայրենիքի և հողի վերայ է զարգացել դարերի  
«ընթացքում և այսօր ևս, եթէ բաղդը յաջողէ, որ նոքա  
«նախկինի պէս շարունակեն ձեռք ձեռքի տուած գործել  
«հանրական օգտի համար, ապա պէտք է ենթադրենք, որ  
«նոցա քաղաքակրթական մերձեցումն ևս արագ քայլերով  
«կը յառաջանայ և զօրեղ արձագանք կը գտնէ երկու ազ-  
«գերի մտաւոր գործիչների սրտերում: Այս տեսակէա-  
«ներով Զերդ Սրբութեան օրհնութիւնը հայցելով իմ  
«հայազգի հայրենակիցների վերայ, մեծ յոյս ունիմ, որ  
«Զեր սուրբ աղօթքներով և Տիրոջ օգնութեամբ երկու  
«համերկացի ազգերի բարեկամական յարաբերութիւն-  
«ները մշակելու գործի նկատմամբ մեծ և օգտակար հե-  
«տեւանքների պիտի յանգենք»:

Նորին Վեհափառութիւնը իւր գոհունակութիւնը 5  
յայտնեց Ասադուլլահ-խանին իւր տեսակցութեան համար,  
առաւել ևս այն զգացումների համար, որով նորա երի-  
տասարդ սիրտն է զեղուն: «Համերաշխութեան և համա-  
«գործակցութեան սկզբունքները, — յարեց 5 ն. Սրբութիւնը, —  
«այն առողջ ազգակներն են, որոնք երկու բաղտակից ազ-  
«գերի քաղաքակրթութեան գործի ռազմիրան պիտի  
«դառնան: Այդ ազգակները, գիտակից ղեկավարների օժան-  
«դակութեամբ հաւասարապէս բարեբաղդ վիճակ պիտի  
«ստեղծեն թէ Հայ ժողովրդիս համար և թէ Պարսից դա-  
«րաւոր քաղաքակրթութեամբ օժտուած ազգի համար,  
«որոնք եւրոպական քաղաքակրթութեամբ զինուած առա-  
«ւել ևս պիտի գնահատեն համերաշխ գործակցութեան  
«սկզբունքը: Ուրախ եմ, որ իմ ժողովրդի համար այտ-  
«պիտի բարեբաւտիկ ապագայի խորհրդով է տարուած  
«Զեր Կառավարութիւնը որին իմ շնորհակալութիւնս եմ  
«յայտնում, և նորա ղեկավար գաղափարների պաշտօնեա-  
«ները, որոնցից մէկին եմ տեսնում յանձին Զեր»:

Ունկնդրութիւնը շուրջ 5 15 րոպէ, որի ժամանակ  
երիտասարդ Ասատուլլահ-խանը արտօնութիւն 5 խնդրեց  
այցելելու Մ. Աթոռ և այնտեղ կրկին իւր յարգանքները

մատուցանել Հայոց Մեծ-Խալիֆային և աղօթել նոցա  
Մեծ սրբազայրում:

Ն. Սրբութիւնը հրաւիրեց նորան Մ. Աթոռ ըստ  
առաջին պատեհութեան:

\* \* \*

Ժամը 1-ին ներկայացան վանի զաղթականական  
զանազան մարմինների կազմութիւնների կողմից մի պատ-  
գամաւորութիւն, խնդրելով Ն. Սրբութեան աջակցու-  
թիւնը մի քանի անհրաժեշտ խնդիրների ի մօտոյ լուծ-  
ման մասին:

Ն. վեհափառութիւնը յուսադրեց նոցա կարգադրե-  
լու նոցա խնդիրներն ըստ հնարաւորութեան և յարմա-  
րութեան:

\* \* \*

Ն. վեհափառութեան կողմից ներկայացող անձերին  
փոխ-այցելութեան գնացին Երեւանի Փոխ-Թեմակալ Գեր-  
Տ. Խորէն եպիսկոպոս և Դիւանապետ Տ. Տիրայր Ժ. վար-  
դապետ:

\* \* \*

Նորին Սրբութիւնը ամօոյս 30-ին իւր հետևորդների  
հետ Մ. Աթոռ ուղևորուեցաւ:

Ն. Սրբութեան ճանապարհ ընկնելուց առաջ ողջ-  
երթի էին եկել քաղաքի հասարակութեան զանազան ներ-  
կայացուցիչները, որոնց ամենքին օրհնելով Ն. Սրբու-  
թիւնը կառք նստեց, շրջապատուած պահակներով և ոս-  
տիկանութեան ծառայողներով:

Երեւանի այգիների մէջ Ն. Սրբութիւնը բարեհաճեց  
քաղաք վերադառնալու արտօնութիւն տալ իրեն հետևող  
քաղաքացիներին, քաղաքի ներկայացուցիչներին, ընդու-  
նելութեան Յանձնախմբի անդամներին, Ոստիկանապետին  
և այլն:

Ժամը 5 1/2-ին Ն. Սրբութիւնը ժամանեց Մ. Աթոռ:

\* \* \*

Ն. Վեհափառութիւնը տեղեկութիւն ստացած լինելով Ամերիկայի Առաջնորդ Տ. Արսէն ծ. վարդապետ Վեհունուց և Վսեմափ. Պօղոս Նուբար փաշայից, որ հոկտ. 21-ի օրը նուիրուած է Հայ տառապեալների օգտին ամբողջ Միացեալ Նահանգների մէջ կաղմակերպուելիք հանգանակութեան գործին և որ այդ մեծ մարդասիրական գործի նախաձեռնութիւնը պատկանում է Միացեալ Նահանգների նախագահ Վիլսօնին և Ամերիկայի Միացեալ Նահանգների Ծերակոյտին, ամսոյս 4-ին իւր գոհունակութիւնը և օրհնութիւնը յայտնեց Տ. Նախագահին, հետեւեալ հեռագիրն ուղղելով նորան, Ֆրանսերէն լեզուով:

«Միացեալ Նահանգների Տ. Նախագահ պարոն Վիլսօնին, ի Վաշինգտոն.

«Այժմ իսկ տեղեկացայ Ձերդ Գերազանցութեան»  
«ինչպէս և Միացեալ Նահանգների Ծերակոյտի բարձր ուշադրութեան մասին, դէպի իմ ժողովուրդը օրով արտօնում էք նուիրել հոկտեմբեր 21-ի օրը ի նպաստ Հայերի ընդհանուր ժողովարարութեան մեծ Հասարակապետութեան բոլոր նահանգներում:

«Մարդասիրութեան այդ մեծ գործը խորապէս յուզեց ինձ և ես յայտնում եմ Ձեզ, պ. Նախագահ, իմ «սրտագեղ շնորհակալիքս Ձեր զթաօրտութեան և բարեացակամ զգացումների համար, որ ցոյց տուիք դէպի անձայր տանջանքի մատնուած մի ազգ: Առաքում եմ Ձեզ իմ Առաքելական օրհնութիւնը, աղօթելով առ Աստուած՝ «Մեծ Հասարակապետութեան և Ամերիկայի ազնիւ ազգի «յառաջագիւմութեան, ինչպէս և նորա ասպետական ոգի «կրող Նախագահի քաջառողջութեան համար:

Գ Է Ո Ր Գ Ե.

Ծայրագոյն Պատրիարք Էւ Կաթողիկոս ամենայն Հայոց»:

\*\*\*

Հոկտ. 5-ին Ն. Կ. Մեծութեան Ժառանգ Ն. Կ. Բարձրութիւն Մեծ-իշխան Ալէքսէյ Նիկոլաևիչի անուա-

նակոչութեան տօնի առթիւ մաղթանք կատարուեցաւ Մ. Աթոռում, որին ներկայ լինել հաճեցաւ Ն. Սրբութիւնը, ամբողջ միաբանական ուխտի և բաղմաթիւ աղօթաւորների հետ:

Պատարագիչն էր Տ. Մատթէոս Եպիսկոպոս:

\* \* \*

Հոկտ. 8-ին Սրբոց Թարգմանչաց տօնի օրը, ըստ նախաւանդ սովորութեան միաբանութիւնը, ձեմարանի սաների հետ, ուխտի գնաց Օշական, Ս. Մեսրոպի գերեզմանին:

Օշականի եկեղեցում մատուցուեցաւ Թ. Պատարագ: Պատարագիչն էր Տ. Թադէոս վարդապետ: Պատարագի ժամանակ երգում էր ձեմարանի երգիչների խումբը:

\* \* \*

Նոյն երեկոյեան ի պատիւ Ս. Թարգմանիչների տեղի ունեցաւ ձեմարանում առաջին տարեկան գրական երեկոյթը:

Երեկոյթը իւր բարձր այցելութեամբ և ներկայութեամբ բարեհաճեց պատուել Ազգիս Վեհ. Հայրապետը, որ և մնաց մինչև հանդիսի վերջը:

Ն. Վեհափառութեան հրաւիրելու էր եկած ձեմարանի հ. Տեսուչ, Տ. Գարեգին Ժ. վարդապետը: Ն. Սրբութիւնը շրջապատուած Մ. Աթոռի միաբանական ուխտի անդամներով մտաւ ձեմարանի բակը, ուր՝ մեծ դռան առաջ բարձր հիւրին ընդունելու պատիւ ունեցաւ ձեմարանի տեսչի օգնական պ. Ա. Տ. Պօղոսեան:

Ն. Սրբութեան, վերևի սրահի սանդուղտների զլխին սպասում էր ձեմարանի ուսուցչական կազմը, որ և առաջնորդեց Ն. Սրբութեան Հանդիսարան: Դահլիճի վերին կողմը կարմիր մահուղի փողոցի և գորգերի վերայ դրուած էր Դահ Հայրապետի համար:

Հանդէսն սկսուեցաւ ժամը 6½-ին, Թարգմանչաց շարականով: Ապա լսարանական բաժնի ուսուցիչ պ. Գ. Ղափանցեան կարդաց մի շատ հետաքրքրաշարժ և բովան-

դակալից զեկուցումն «Հայա-Արմենական լեզուախմբի ազգակցականութեան» մասին:

Հանդէսը շարունակուեցաւ հետեւեալ բովանդակութեամբ.

«Դուէտ» Հերմանի — նուագեցին մանդոլինայի վերայ  
I լսար. ուսանողներ՝  
Գրիգորեան և  
Տէր-Առաքելեան.

Բանախօսութիւն, տօնի առթիւ — Մ. Սանթրոսեան ուս.  
II լսարանի.

«Ս. Մեսրոպ» — Սիամանթոյի — արտասանեց ուսուց. պ.  
Արշակ Տ. Յովսէփեան.

Նուագ — — — դաշնակի վերայ, Գ. Սո-  
ղոմոնեան, ուս. II լս.

«Եղիշէ» Պատկանեանի — Վ. Տ. Յովհաննիսեան,  
աշ. Բ. դաս.

Նուագ — — — դաշնակի վերայ Արշ. Տ.  
Յովսէփեան, և մանդոլին՝  
Գրիգորեան և Տ. Առաքել.

«Բերդիցը դուրս ելայ» — խումբը.

Բանաստեղծութ. ինքնուրոյն — Դ. Գրիգորեան, ուս. II  
լսարանի.

Նուագ — — — Արշակ Տէր Յովսէփեան:

Հանդէսն անցաւ շատ աշխոյժ, հանդիսականներին  
մեծ գոհունակութիւն պատճառելով:

Ն. Վեհ. «Պահպանիչ» ով օրհնելով ամենքին իւր շնոր-  
հակալիքն ու օրհնութիւնը յայտնելով ձեմարանի վար-  
չութեան և աշակերտութեան մեկնեց Վեհարան:

Հանդէսը վերջացաւ ժամը 7<sup>5</sup>/<sub>4</sub>-ին:

\* \*  
\*

Հոկտ. 9-ին Տփլիսից Մ. Աթոռ ժամանեց դաղթա-  
կանութեան Պարենաւորման գործի գլխ. Կարգադրիչ Գեն.  
Թամամշեանի օգնական պ. Լևոն Եւանդուլեանց, որին Ն.

Սրբութիւնը հաճեցաւ շնորհել առանձին ունկնդրութիւն:

Ապա Դիւանատանը խորհրդակցութիւն եղաւ դադ-  
թականների դպրոցական, պարենաւորման, ձմեռուայ  
ապաստանարանների գործերի նկատմամբ: Խորհրդակցու-  
թեան մասնակցում էին Գեր. Տ. Խորէն եպիսկոպոս, Տ.  
Տիրայր ծ. վարդապետ, Տ. Գէորգ վարդապետ՝ նախագահ  
եղր. Օգնութեան Յանձնաժողովի, և բժ. Մանդինեան  
Քաղաքների միութեան կողմից, իբրեւ լիազօր:

\* \* \*

~~Հոկտ. 11-ին Մ. Աթոռ ժամանեց Բաթումի աւագ-~~  
երէց Տ. Մեսրոպ ա. քհյ. Մելեան, որ ապրիլ ամսից ի վեր  
նշանակուած էր իբրեւ Հոգեւոր իշխանութեան ներկայա-  
ցուցիչ Տրապիզոն քաղաքի և նորա շրջակայի մէջ գնտուած  
Հայ եկեղեցական կայքերի, ստացուածքի և կալուածների  
վերայ հսկողութիւն ունենալու և օտարացնելու դէմ մի-  
ջոցներ ձեռք առնելու, ինչպէս և տեղական Հայութեան  
մնացորդների հոգեւոր պիտոյքները մատակարարելու հա-  
մար:

Հ. Մելեանը ներկայանալով ն. Սրբութեան ղեկուցեց  
իւր կատարածների մասին և նոր հրահանգներ ստանալով  
ն. Սրբութիւնից վերադարձաւ Բաթում, այնտեղից Տրա-  
պիզոն անցնելու:

Հայրապետական Դիւանից յանձնուեցաւ նորան մի  
մատեան, յանուն Տրապիզոնի Ս. Ստեփաննոս եկեղեցու,  
ուր պիտի մուծուին կատարուած ծիսական դէպքերը,  
արձանագրելու ծնունդ ու մկրտութիւն, մահ, ամուսնու-  
թիւններ իւր հոգեւոր հօտի: Նորան յանձնուեցաւ նոյն-  
պէս ել և մտից մատեան, որի մէջ պիտի մուծուին թէ  
Ս. Ստեփաննոս եկեղեցու և թէ Տրապիզոնի ու շրջակայքի  
բոլոր եկեղեցիների, եկեղեցական կալուածների, ազգային  
ստացուածների մուտք ու ելքը և տարեվերջը ներկայա-  
ցնուի ի տես և ի տնօրենութիւն ն. Վեհափառութեան,  
իբրեւ վերին հսկողի Հայ եկեղեցու ամբողջական շահերի  
և պաշտպանի:

Տիր. ծ. վր.